

欽定石渠寶笈三編

欽定石渠寶笈三編

乾清宮藏一

世祖章皇帝御筆

臨蘇軾書滿庭芳詞一卷

書蘇軾武侯廟記語一卷

書王維詩一軸

書杜甫詩一軸

書韓愈詩一軸

畫山水 一軸

聖祖仁皇帝御筆

臨蘇軾書滿庭芳詞

一卷
辛亥

臨蘇軾書滿庭芳詞

一卷
辛亥

書李白春夜宴桃李園序

一卷
戊午

書杜甫早朝詩

一卷
己未

書沈佺期龍池樂章

一卷
己未

臨董其昌書莊子說劍篇

一卷
乙丑

臨趙孟頫百馬圖詩

一卷
丙寅

暢春園記

一卷
戊辰

臨趙孟頫書平泉圖記

一卷
庚午

臨趙孟頫長春道院記

一卷
壬申

臨董其昌書月中桂樹賦

一卷
壬申

臨虞集書海賦

一卷
癸酉

臨董其昌書月臨鏡湖賦

一卷
癸酉

書杜甫早朝詩

一卷
癸酉

七夕觀千葉蓮詩

庚辰軸

臨董其昌書庾信馬射賦

壬午卷

製硯說

壬午卷

四十一年除夕書懷詩

壬午軸

甲申季冬駐蹕南園偶作十首

甲申卷

臨董其昌書王維詩

戊子卷

恭跋

世祖章皇帝御書陋室銘後

一卷

以下未題年月

諭司農令民力田節用敕 一卷

上諭三條 一卷

上諭四條 一卷

淳化閣帖跋 一卷

書岑參早朝詩 一卷

書杜甫賀陽城郡王詩 一卷

臨蘇軾詩帖 一卷

臨米芾書杜甫詩 一卷

臨米芾詩帖

一卷

臨趙孟頫書王維輞川詩

一卷

臨趙孟頫書杜甫遊何將軍山林詩

一卷

臨董其昌書竹樓記

一卷

臨董其昌書趙彥昭詩

一卷

臨董其昌書畫錦堂記

一卷

橋望詩

一軸

夜半覽本詩

一軸

詠春詩 一軸

清明登玉泉山詩 一軸

初夏登樓臨水詩 一軸

苑西新柳詩 一軸

過永安橋口占詩 一軸

柳條邊望月 一軸

鐵嶺詩 一軸

凱旋聞雁再作 一軸

水仙詩一軸

世祖章皇帝御臨蘇軾書滿庭芳詞一卷

本幅紙本縱一尺三寸三分橫一丈九尺五寸

御筆楷書

中呂滿庭芳。歸去來兮。吾歸何處。萬里家在
岷峨。百年強半。來日苦無多。坐見黃州載閤。
兒童盡楚語。吳歌。山中友。雞豚社飲。相勸老
東坡。云何當此際。人生底事。來往如梭。待閒

看秋風洛水清波。好在堂前細柳。應念我、莫
翦柔柯。仍傳語江南父老。時與睨漁蓑。元祐
六年十月二日。眉山蘇軾書。

鑒藏寶璽寶笈三編石渠寶笈所藏

世祖章皇帝御書蘇軾武侯廟記語一卷

本幅紙本縱九寸九分橫四尺二寸五分

御筆楷書

蘇東坡作武侯廟記曰密如鬼神疾若風雷
進不可當退不可追畫不可攻夜不可襲多
不可敵少不可欺前後應會左右指揮移五
行之性變四時之令人也神也仙也吾不知
之真卧龍也

鑒藏寶璽
寶笈三編
石渠寶笈所藏

世祖章皇帝御書王維詩一軸

本幅綾本。縱四尺三寸九分。橫一尺五寸七分。

御筆行書。

獨坐幽篁裏。彈琴復長嘯。深林人不知。明月來相照。

庚子冬日書。

鑒藏寶璽寶笈三編。石渠寶笈所藏。

世祖章皇帝御書杜甫詩一軸

本幅綾本。縱四尺三寸三分。橫一尺五寸八分。

御筆行書。

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因風想玉珂。明朝有封事。數問夜如何。

鑒藏寶璽寶笈三編石渠寶笈所藏

世祖章皇帝御書韓翃詩一軸

本幅綾本縱四尺四寸五分橫一尺六寸四分

御筆行書

春城乞食還高論此中間僧臘階前樹禪心
江上山疎簾看雪卷深戶映花關晚送門人
出鐘聲杳靄間

鑒藏寶璽寶笈三編石渠寶笈所藏

世祖章皇帝御筆畫山水一軸

本幅綾本縱三尺三寸六分橫八寸

御筆墨畫山水並識

順治乙未孟冬御筆戲寫鈐寶一廣運之寶

鑒藏寶璽寶笈三編石渠寶笈所藏

聖祖仁皇帝御臨蘇軾書滿庭芳詞一卷

本幅紙本。縱一尺三寸三分。橫一丈九尺二寸。

御筆楷書臨蘇軾滿庭芳詞。詞見前卷並識。

康熙辛亥孟夏。臨中呂滿庭芳。愧不能彷彿東坡萬一耳。鈐寶一。宣文之寶。

鑒藏寶璽寶笈三編。石渠寶笈所藏。

聖祖仁皇帝御臨蘇軾書滿庭芳詞 一卷

本幅綾本。縱一尺三寸五分。橫一丈九尺六

寸。

御筆楷書。臨蘇軾滿庭芳詞。

詞見前卷。並識。

御筆。康熙辛亥孟夏。臨東坡帖。鈐寶一。廣運之寶。
鑒藏寶璽寶笈三編。石渠寶笈所藏。

聖祖仁皇帝御書李白春夜宴桃李園序 一卷

本幅紙本。縱八寸五分。橫四尺二寸五分。

御筆楷書李白春夜宴桃李園序。文不錄。

康熙戊午孟冬日書。鈐寶三。勤民。幾暇怡情。兆民賴之。

鑒藏寶璽寶笈三編。石渠寶笈所藏。

聖祖仁皇帝御書杜甫早朝詩一卷

本幅紙本縱六寸九分橫二尺九分

御筆行草書

五夜漏聲催曉箭。九重春色醉仙桃。旌旗日
暖龍蛇動。宮殿風微燕雀高。朝罷香煙攜滿
袖。詩成珠玉在揮毫。欲知世掌絲綸美。池上
於今有鳳毛。

己未初春書鈐寶三。勤民幾暇怡情兆民賴之。

鑒藏寶璽寶笈三編石渠寶笈所藏

聖祖仁皇帝御書沈佺期龍池樂章一卷

本幅紙本縱八寸五分橫八尺

御筆楷書

龍池躍龍龍已飛龍德先天天不違池開天
漢分黃道龍向天門入紫微邸第樓臺多氣
色君王鳧雁有光輝為報寰中百川水來朝
此地莫東歸

已未冬書鈐寶三勤民幾暇怡情兆民賴之

鑒藏寶璽寶笈三編石渠寶笈所藏

聖祖仁皇帝御臨董其昌書莊子說劍篇一卷

本幅紙本。縱九寸九分。橫二丈二尺六寸八

分。

御筆行書莊子說劍篇。全錄並識

康熙乙丑夏日。臨董其昌書。鈐寶一。康熙御筆之寶。

鑒藏寶璽寶笈三編。石渠寶笈所藏。

聖祖仁皇帝御臨趙孟頫百馬圖詩一卷

本幅紙本。縱七寸四分。橫四尺七寸五分。

御筆行楷書並識。

聯翩蹀躞更趲趲。關路風沙舊所諳。曾載冠
軍天上落。幾乘飛將雪中探。臨營餽處霜凝
早。倚處嘶風月映鉦。今日三邊烽堠靜。却將
歸老華山南。昔穆天子巡行天下。嘗得龍
媒神駿。超越山海。談者輒侈慕之。暇日與息

齋言及公麟百馬圖亦以意為此公麟前身
是畫師。懼非松雪老人所能辦也。子昂畫并
題。

丙寅秋七月臨鈴寶三八表同文正心誠意。
鑒藏寶璽寶笈三編石渠寶笈所藏。

聖祖仁皇帝御筆暢春園記 一卷

本幅紙本。縱七寸五分。橫一丈九尺九寸三

分。

御筆楷書。

暢春園記 都城西直門外十二里曰海淀。淀有
南有北。自萬泉莊平地涌泉。奔流瀲灩。匯於丹棱
泚。泚之大以百頃。沃野平疇。澄波遠岫。綺合繡錯。
蓋神皋之勝區也。朕臨御以來。日夕萬幾。罔自暇。

逸久積辛勤。漸以滋疾。偶緣暇時。於茲遊憩。酌泉水而甘。顧而賞焉。清風徐引。煩疴乍除。爰稽前朝。戚畹武清侯李偉。因茲形勝。構為別墅。當時韋曲之壯麗。厯厯可考。圯廢之餘。遺址周環十里。雖歲遠零落。故蹟堪尋。瞰飛樓之鬱律。循水檻之逶迤。古樹蒼藤。往往而在。爰詔內司。少加規度。依高為阜。即卑成池。相體勢之自然。取石甃夫固有。計庸畀直。不役一夫。宮館苑藥。足向寧神怡性之所。永

惟儉德捐泰去雕視昔亭臺邱壑林木泉石之勝
絜其廣袤十僅存夫六七惟彌望漣漪水勢加勝
耳當夫重巒極浦朝煙夕霏芳萼發於四序珍禽
喧於百族禾稼豐稔滿野鋪芬寓景無方會心斯
遠其或稱稔未實暘雨非時臨陌以閔胼胝開軒
而察溝澮占離畢則殷然望詠雲漢則悄然憂宛
若禹甸周原在我戶牖也每以春秋佳日天宇澄
鮮之時或盛夏鬱蒸炎景鑠金之候機務少暇則

祇奉頤養。遊息於茲。足以迓清和而滌煩暑。寄遠矚而康。

慈顏扶輿後先。承歡愛日。有天倫之樂焉。其軒墀爽塏。以聽政事。曲房邃宇。以貯簡編。茅屋塗茨。略無藻飾。於焉架以橋梁。濟以舟楫。間以籬落。周以繚垣。如是焉而已矣。既成而以暢春為名。非必其特宜於春日也。夫三統之迭建。以子為天之春。丑為地之春。寅為人之春。而易文言稱乾元統天。則四

德皆元。四時皆春也。先王體之以對時育物。使圓
頂方趾之衆。各得其所。跂行喙息之屬。咸若其生。
先天之下。熙熙焉。皞皞焉。八風罔或弗宣。六氣罔
或弗達。此其所以為暢春者也。若乃秦有阿房。漢
有上林。唐有繡嶺。宋有艮嶽。金釭壁帶之飾。包山
跨谷之廣。朕固不能為。亦意所弗取。朕匪敢希蹤
古人。婉美曩軌。安土階之陋。惜露臺之費。亦惟是
順時宣滯。承顏致養。期萬類之乂和。思大化之周。

決一民一物念茲在茲朕之心豈有已哉於是為
之說而系以詩詩曰昔在夏姬克儉卑宮亦越姬
文勿亟庶攻若稽古訓是欽是崇歲銘戶牖夙夜
朕躬棟宇之興因基前代巖宿丹霞檐棲翠靄營
之度之以治蕪廢有沸泉源汪濊斯在駕言西郊
聊駐綵旂甘彼挹酌工築斯謀瑩澈明鏡縈帶芳
流川上徘徊以泳以遊因山成峻就谷斯卑咨彼
將作毋曰改為松軒茅殿實惟予宜亦有樸斲予

尚念茲撰辰經始不日落成豈曰遊豫燕喜是營
展事

慈闈那居高明暇矚俯瞰聊用娛情粵有圖史藏之
延閣惟此大廡會彼朱褱鬱鬱溝塍依然耕鑿無
假人工渺瀰雲壑有鷁其舟有虹其梁可帆可涉
於焉徜徉文武之道一弛一張退省庶政其罔弗
臧嘗聞君德莫大於仁體元出治於時為春願言
物阜還使俗醇暢春之義以告臣鄰康熙二十七

年歲在戊辰六月望日御製并書鈐寶一康熙御
筆之寶

後幅臣工恭跋

康熙三十有一年歲在壬申秋九月十八日
蒙

賜

御製并書暢春園記臣拜手恭誦深繹作記之意
皇父勤勞萬幾慮周四海宵旰圖維辛昃已極偶閱

此地風土清嘉。水泉澄澈。平時曠衍。岡巒映帶。可以遠煩囂而滌炎暑。藉以為寧神怡性。問稼省農之所。爰因舊觀。制崇簡樸。聽政稽古。各有堂室。時奉

慈闈。康悅於此。其命名為暢春者。蓋法天地發生之仁。用乾元長養之德。以茂對時育為心。以萬物一體為念。欲嘉與九有八荒百昌庶彙共躋春臺。咸遊化日。古所謂太和在宇宙間。正

斯義也。

御書字體高古圓勁。結構天然。具鸞翔鳳舞之姿。運
鐵畫銀鈎之勢。神彩四映。鋒鏦內藏。洵翰墨
之極觀。臨池之至則。以此楷模百代。籠蓋千
古。猗與盛哉。臣祇奉什襲。晨夕瞻仰。愧不能
摹習萬一。敢抒忤悃。謹作頌言。頌曰。倬彼雲
漢。儷此。

天章。敷文宣義。喬喬煌煌。仁心為質。儉德孔彰。曰觀。

時物曰省農祥。蒙養有訓。

慈顏以康。泉流感沸。山色青蒼。

聖懷澄對。時啟縹緗。銘詩勒記。垂示無疆。

宸翰飛灑。軼晉邁唐。雲輝霞燦。璧圓珪方。龍跳虎卧。

雄勁頡頏。體兼衆妙。莫罄賡颺。拜手茲錫。恩

重琳瑯。天球鴻寶。奎壁同光。臣允初恭題敬

書。

御製并書暢春園記。蒙

皇父賜觀復奉

恩命。跋語於後。臣自惟幼齡淺學。譎陋寡聞。安能仰
窺萬一。拜手恭誦。祇增惶悚。伏思

聖意所寓。至深且遠矣。舉兆民九域。以至飛潛動植。
皆欲其涵濡於樂利之風。俯仰於舒長之化。
熙熙皞皞。各得其所。故園名為暢春者。一舉
念不忘體天育物之意。至仁也。

御前軒以聽理機務。居邃宇以覽稽書史。觀耕穫之

早暮。憫農人之勤苦。如繪幽風於坐上。詠七月於苑中。至勤也。景惟清曠。不尚丹雘之奇。地因舊觀。猶然土階之樸。至儉也。風日清佳。時物暢茂。則祇奉

慈闈。承顏悅志。行家人禮。以天下養。至孝也。設蒙養齋。為臣輩課讀之地。晨夕講誦。進則聆

至教於溫清。退則花萼連枝。怡怡共樂。至慈也。敢以

愚昧。敬測

高深。洵有讚頌靡涯。數揚莫罄者矣。

御筆法書。日輝雲燦。天藻神工。舒卷自如。法力兼備。藏雄勁於圓潤之中。發精彩於筆墨之外。誠所謂包千載而冠百家者哉。臣仰瞻之下。不勝忭舞欣幸。謹作頌曰。春育萬彙。淑景和風。四德咸貫。六字攸同。

聖言所覆。溥海旃幪。大文炳煥。共慶時雍。毫端振彩。高古麗鴻。編珠貫貝。翥鳳翔龍。體含元氣。妙

協化工永垂藝府文石是磐模範億禩寶踰
璜琮榮光上燭焜耀無窮康熙癸酉孟春初
二日臣允祉敬書

鑒藏寶璽寶笈三編石渠寶笈所藏

聖祖仁皇帝御臨趙孟頫書平泉圖記 一卷

本幅紙本縱七寸三分橫三尺四寸五分

御筆行楷書並識

平泉圖記 經始平泉追先志也吾隨侍先

太師在外十四年上會稽探禹穴歷楚澤登

巫山遊沅湘望衡嶠太師每維舟登眺意有

所感必淒然遐想屬在伊川嘗賦曰龍門南

岳盡伊川草木人烟目所存正是北州梨棗

熟夢魂長自到郊園。吾心感是詩。有隱居伊洛之志。前守金陵。於龍門得喬居士故居。攜家眷宴然安之。天寶末。避地遠遊。竟為荒榛。首陽微岑。尚有薇蕨。山陽舊逕。惟餘竹木。吾乃廢荆棘。驅狐狸。如立班生之宅。漸成應叟之地。又得江南珍木奇石。列於庭際。平生素懷於此足矣。吾嘗以為出處者。貴得其道。進退者。貴不失時。古來賢達。多有遺恨。至於元

祖潛身於柱史。柳惠養德於士師。漢代曼容
官不過六百石。嗟乎尚矣。越蠡激文牛以遜
一原脫留侯託黃冠以忘世。亦其次焉。范曄感
蔡澤一言。超然高舉。鄧禹見功臣多敗。委遠
名勢。又其次也。矧如吾者。處變疑當無衛足
之智。雁有不鳴之患。雖有泉石。杳無歸期。留
此林居。以遺厥後代。鬻平泉者。非吾子孫也。
以平泉一樹一石與人者。非佳子弟也。吾百

年之後。為權勢所奪。則以先人所命。泣而告之。此吾志也。詩曰。維桑與梓。必恭敬止。言其父所植也。昔周公之思召伯。愛其所憩之樹。近代薛令居於禁省中。見先祖所據之石。必泫然流涕。汝曹可不慕之。惟岸為谷。谷為陵。然後已焉。後有王宰所圖平原別墅。林谷加飾。稍增其舊。識諸繪尾。頗有趙簡之望云。延祐五年六月朔日。吳興趙孟頫書。

康熙庚午仲夏日臨鈴寶三八表同文精一乾健
鑒藏寶璽寶笈三編石渠寶笈所藏

聖祖仁皇帝御臨趙孟頫長春道院記一卷

本幅紙本縱八寸橫一丈四尺六寸

御筆楷書長春道院記

貼文並識
不錄

壬申夏日臨鈐寶一康熙宸翰

鑒藏寶璽寶笈三編石渠寶笈所藏

聖祖仁皇帝御臨董其昌書月中桂樹賦 一卷

本幅紙本。縱八寸。橫七尺三寸。

御筆行書。並識。

月中桂樹賦。圓月如霜。有仙桂兮宛在中
央。映澄澈之素彩。逗歲蕤之冷光。杳杳低枝。
拂孤輪而挺秀。依依密樹。侵滿魄而含芳。觀
其皓爾方凝。脩然不改。隨升沉而自若。貫盈
缺而長在。夏冪冪而臨空。杳萋萋而發彩。同

蟾蜍之片影。似濯瑤池。異珊瑚之幽叢。徒生
滄海。埃壒初歇。關山正秋。空沈寥而逾淨。色
冉弱而彌幽。謂扇花薄。如珪玷浮。望玉露之
初垂。遙疑滴瀝。聽金風之乍起。遠若颼颼。皎
皎孤懸。亭亭相向。纔分杳靄之質。微辨輪囷
之狀。諒攀援而莫及。寧欲淹留。歎音塵之未
期。空勞曠望。嘉其竦本無地。分暉有餘。轉低
影於穹碧。擢幽姿於顓初。訝姮娥之繪成。文

通霏靡。並秦鏡之照出。勢自蕭疎。斯所以亘
雲路。委天衢。弱質中植。纖條外扶。亂彩時搖。
起飛飛之驚鵲。澄波靡隔。掩厯厯之高榆。是
故邈彼輕霄。呈茲永夕。紛敷遠瑩。偃蹇旁射。
夾餘霞而暫丹。經斜漢而彌白。臨紫極而天
香不散。指北斗而仙華可摘。况其遠象瞳矐。
桂子冥空。惜迢遞而遐想。况嬋娟而內融。素
色不彫。自挺雪霜之外。清陰迴泛。頻移霄漢。

之中。何必詠招隱。卧幽叢。庶高枝。今可折。願
逍遙於蟾宮。董其昌。

壬申八月既望。臨鈴寶一。康熙宸翰。
鑒藏寶璽。寶笈三編。石渠寶笈所藏。

謹案是賦唐趙蕃著。

聖祖仁皇帝御臨虞集書海賦一卷

本幅紙本。縱一尺五分。橫四尺七寸二分。

御筆行楷書臨虞集書海賦

文不錄。不鈴。

寶一。康熙宸翰。幅尾。

御識三十二年三月臨。

鑒藏寶璽寶笈三編。石渠寶笈所藏。

聖祖仁皇帝御書杜甫早朝詩一卷

本幅紙本縱八寸一分橫四尺三分

御筆行草書杜甫早朝詩

詩見前卷並識

癸酉秋日錄唐詩鈐寶二日鏡雲伸康熙御筆之寶

鑒藏寶璽寶笈三編石渠寶笈所藏

聖祖仁皇帝御筆七夕觀千葉蓮詩一

本幅絹本縱三尺一寸五分橫九寸

御筆行書

玉露初分水殿涼滿池紅白雜芬芳香飄隨座皆
秋色細月朧朧掛未央庚辰七夕觀千葉蓮鈴
寶三佩文齋康熙宸翰保合太和

鑒藏寶璽寶笈三編石渠寶笈所藏

聖祖仁皇帝御臨董其昌書庾信馬射賦一卷

本幅紙本縱六寸橫四尺四寸七分

御筆行書華林園馬射賦

賦不並識

壬午夏六月避暑古北口外偏嶺帷宮因無暑氣
臨董其昌書鈐寶三中和康熙稽古石文

鑒藏寶璽寶笈三編石渠寶笈所藏

聖祖仁皇帝御筆製硯說一卷

本幅絹本。縱八寸八分。橫九尺六寸。

御筆行書。

盛京之東。砥石山麓。有石礪礪。質堅而溫。色綠而瑩。文理燦然。握之則潤。液欲滴。有取作礪具者。朕見之以為此良硯材也。命工度其小大方圓。悉準古式。製硯若干方。磨逾廉。試之。遠勝綠端。即舊坑諸名產。亦弗能出其右。爰裝以錦匣。臚之斐几。俾

日親文墨。寒山磊石。洵厚幸矣。顧天地之生材甚夥。未必盡見收於世。若此石終埋沒於荒烟蔓草。而不一遇。豈不大可惜哉。朕御極以來。恒念山林藪澤。必有隱伏沉淪之士。屢詔徵求。多方甄錄。用期野無遺佚。庶愜愛育人材之意。於製硯成而適有會也。故濡筆為之說。壬午冬嘉平月朔書。鈐寶三。淵鑑齋。康熙宸翰。敕幾清晏。

鑒藏寶璽寶笈三編。石渠寶笈所藏。

聖祖仁皇帝御筆四十一年除夕書懷詩一軸

本幅紙本縱四尺六寸八分橫一尺五寸四分

御筆行書

平○生○宵○旰○志○七○七○又○將○過○忘○寢○愁○暘○雨○精○心○勉○太○
和○送○寒○辭○故○歲○待○曙○問○民○疴○莫○論○新○春○媚○預○憐○五○
噫○歌○四○十○一○年○除○夕○書○懷○鈴○寶○三○淵○鑑○齋○康○熙○
宸○翰○敕○幾○清○晏○

鑒藏寶璽寶笈三編石渠寶笈所藏

聖祖仁皇帝御筆甲申季冬駐蹕南園偶作十首一

卷

本幅紙本。縱一尺八寸四分。橫二丈一尺四寸五分。

御筆行書。

鑾輿出禁門。前隊已臨苑。威德如風行。感恩似草
偃。麥叢還待雪。苑靜那看風。平野無塵蹟。寒條
遠近同。講武不忘危。勞農亦預知。回看止輦處。

盡是歲寒枝。武職皆熊羆。沒羽穿楊力。所向任
干城。挽強視道德。三驅一面網。雉兔正堪肥。弦
響無虛落。日暮即收圍。驥德鄙千里。飛黃汗血
傳。臨風嘶遠路。蹋雪意貞堅。赤精長耳速。撮獸
掠麋鹿。迅捷欺飛騰。戀主犬為獨。雄飛恥燕雀。
受縲志凌雲。濶臆驚禽鳥。鷹揚冠不羣。罷獵歸
鞍早。樂施命大官。分餐不畏冷。祇恐夜間寒。離
宮乙夜靜。堪將歲月除。懸燈覽奏摺。終始復如初。

甲申季冬駐蹕南園偶作十首鈐寶三淵鑑齋
康熙宸翰稽古右文之章

鑒藏寶璽寶笈三編石渠寶笈所藏

聖祖仁皇帝御臨董其昌書王維詩一卷

本幅紙本縱九寸橫七尺四寸五分

御筆行書並識

中歲頗好道。晚家南山陲。興來每獨往。勝事
空自知。行到水窮處。坐看雲起時。偶然值林
叟。談笑無還期。空山新雨後。天氣晚來秋。
明月松間照。清泉石上流。竹喧歸浣女。蓮動
下漁舟。隨意春芳歇。王孫自可留。寒山轉

蒼翠秋水日潺湲。倚杖柴門外。臨風聽暮蟬。
渡頭餘落日。墟里上孤烟。復值接輿醉。狂歌
五柳前。舊簡拂塵看。鳴琴候月彈。桃源迷
姓氏。松樹有秦官。空谷歸人少。青山背日寒。
羨君棲隱處。遙望白雲端。晚年唯好靜。萬
事不關心。自顧無長策。空知返舊林。松風吹
解帶。山月照彈琴。君問窮通理。漁歌入浦深。
友人以吳絹索書。素頭偶有摩詰詩。漫錄此。

五首其昌

戊子暮春臨鈴寶三佩文齋康熙宸翰保合太和
鑒藏寶璽寶笈三編石渠寶笈所藏

聖祖仁皇帝御筆恭跋

世祖章皇帝御書陋室銘後

一卷

本幅紙本。縱七寸八分。橫一尺七寸七分。

御筆楷書。

恭跋

世祖章皇帝御書陋室銘後

我

皇考世祖章皇帝以上聖之資。撫興王之運。躬處九重。心周鄙屋。蓋真所謂養其民以致賢人矣。至於

親簡冊。灑翰墨。無時而不存此念也。今恭覩
御筆書陋室銘一卷。陋室者何。山間水涯之居。詩人
之所謂考槃空谷也。以萬乘之崇高。不忘草茅之
卑末。於其所居。若有取焉。而親為書其辭。則
聖心之所存。於此亦可見焉。

鑒藏寶璽寶笈三編。石渠寶笈所藏。

聖祖仁皇帝御筆諭司農令民力田節用勅一卷

本幅紙本縱八寸六分橫一尺八寸六分

御筆行書

民生以食為天。必蓋藏素裕。而後水旱無虞。自古
畊九餘三。重農貴粟。所以藏富於民。經久不匱。洵
國家之要務也。比以連年豐稔。粒米充盈。小民不
知蓄積。恣其狼戾。故去年山東河南一逢歲歉。即
以饑饉流移見告。雖議蠲議賑。加意撫綏。而被灾

之民生計難遂。良由地方有司各官平日不以民食為重。未行申明勸諭之故。近據四方奏報雨澤霑足。可望有年。恐豐熟之後。百姓仍前不加撙節。妄行耗費。著各該地方大吏督率有司。曉諭小民。務令力田節用。多積米糧。庶俾俯仰有資。凶荒可備。以副朕愛養斯民至意。爾部即遵諭行。

鑒藏寶璽寶笈三編石渠寶笈所藏

聖祖仁皇帝御筆上諭三條 一卷

本幅紙本。縱七寸五分。橫二尺六寸七分。

御筆楷書。

朕巡歷所至。再經岱麓。重瞻祠宇。詢其廟祝。知香火荒涼。日用難給。岱頂諸廟。亦復如之。念泰山為五嶽之長。載在祀典。有功社稷。不宜使之漸就寥落。合將每歲香稅錢糧。內量給數百金。使上下嶽廟。與元君諸祠。守祀者得有資賴。曉夜盡心。兼可

時加修葺。以壯往來觀瞻。示朕崇祀之意。爾諸臣
即與山東巡撫藩臬會議以聞。朕向聞江南財
賦之地。今觀市鎮通衢。似覺充盈。其鄉村之饒。人
情之樸。不及北方。皆因粉飾奢華所致。爾等身為
大小有司。當潔已愛民。奉公守法。激濁揚清。體恤
民隱。以副朕望。老安少懷之至意。朕巡行江表。
緬懷禹德。躬率羣臣。展祭陵廟。顧瞻殿廡。圯傾禮
器。缺畧人役。寥寥荒涼。增歎愚民風俗。崇祀淫祠。

俎豆馨香。奔走恐後。宜祀之神。反多輕忽。朕甚慨
焉。在昔帝王陵寢。理應隆重培養。況大禹道冠百
王。身勞疏鑿。奠安率土。至今攸賴。豈可因循。特書
地平天成四字。懸之宇下。著地方官即加修理。畢
備儀物。守視人役。亦宜增添。俾規模弘整。歲時嚴
肅。兼賜銀二百兩。給與守視之人。此後益令敬慎。
地方官亦須時為留心。以副朕尊崇遐慕之懷。其
即遵諭行。特諭。

鑒藏寶璽寶笈三編石渠寶笈所藏

聖祖仁皇帝御筆上諭四條 一卷

本幅紙本縱七寸六分橫三尺四寸五分

御筆楷書

往代帝王陵寢所在地方理宜守護以妥神靈朕
近行幸湯泉道經昌平見明朝諸陵殿宇雖存戶
牖損壞附近樹木亦被摧殘朕心深為惻憫爾部
即嚴加申飭守陵人戶令其小心護防仍責令該
地方官不時稽察勿致仍前怠玩以副朕優禮前

代之意特諭耕藉大典事關勸農來春應照例舉行其應行事宜詳察典例具奏特諭今歲漕船必致守凍運船旗丁悉係南人既貧苦可念又北地寒冷非其所習應作何處置不致饑寒之累爾部議奏朕因天氣炎熱特奉

兩宮避暑瀛臺今幸天下少安四方無事然每日清晨御門聽政未嘗暫輟卿等各勤職掌時來啟奏曾記宋史所載賜諸臣於後苑賞花釣魚傳為美

談○今○於○橋○畔○懸○設○罾○網○以○待○卿○等○遊○釣○可○於○奏○事○
之○暇○各○就○水○次○舉○網○得○魚○隨○其○大○小○多○寡○攜○歸○邸○
舍○以○見○朕○一○體○燕○適○之○意○誰○謂○東○方○曼○倩○割○肉○之○
事○不○可○見○於○今○日○也○特○諭○

鑒藏寶璽寶笈三編石渠寶笈所藏

聖祖仁皇帝御筆淳化閣帖跋一卷

本幅紙本。縱七寸四分。橫四尺三寸五分。

御筆行楷書。

宋太宗皇帝嘗遣使購歷代君臣書蹟。命侍書王著模刻法帖十卷。捐以澄心堂紙。李廷珪墨。大臣登兩府者方得賜焉。蓋其重之如此。當時本不可多得。况歷數百年之後乎。此本乃賜翰林學士畢士安者。神采煥發。波磔明潤。漢晉以來翰墨風規。

宛然猶在者。尚賴此帖之存也。朕幾政餘閒。啟帙披卷。如晤往昔。心意融洽。洵可寶而藏之也。

鑒藏寶璽寶笈三編石渠寶笈所藏

聖祖仁皇帝御書岑參早朝詩 一卷

本幅灑金牋本。縱六寸九分。橫六尺二寸五分。

御筆行書並識

雞鳴紫陌曙光寒。鶯囀皇州春色闌。金闕曉鐘開萬戶。玉階仙仗擁千官。花迎劍珮星初落。柳拂旌旗露未乾。獨有鳳凰池上客。陽春一曲和皆難。

夏日山莊乘秋涼偶錄唐人早朝詩一律鈐寶三
佩文齋康熙宸翰保合太和

鑒藏寶璽寶笈三編石渠寶笈所藏

聖祖仁皇帝御書杜甫賀陽城郡王詩一卷

本幅絹本縱一尺六分橫五尺四寸二分

御筆行書

衛幕銜恩重。潘輿送喜頻。濟時瞻上將。錫號
戴慈親。富貴當如此。尊榮邁等倫。郡依封土
舊。國與大名新。紫誥鸞回紙。清朝燕賀人。遠
傳冬筍味。更覺綵衣春。奕葉班姑史。芬芳孟
母隣。義方兼有訓。詞翰兩如神。委曲承顏體。

騫飛報主身。可憐忠與孝。雙美畫麒麟。鈴
寶三。日鏡雲伸。康熙宸翰。敕幾清晏。

鑒藏寶璽。寶笈三編。石渠寶笈所藏。

聖祖仁皇帝御臨蘇軾詩帖一卷

本幅紙本。縱八寸五分。橫五尺四分。

御筆行書並識

碧落風烟外。瑤臺道路賒。如何連帝苑。別自有仙家。比地迴鸞駕。緣溪轉翠華。洞中開日月。窗裏發雲霞。庭養沖天鶴。溪留上漢查。種田生白玉。泥竈化丹砂。谷靜泉逾響。山深日易斜。御羹和石髓。香飯進胡麻。大道今無外。

長生詎有涯。還瞻九霄上。來往五雲車。

臨東坡居士眉山蘇軾書。鈐寶三。日鏡雲伸。康熙
宸翰。保合太和。

鑒藏寶璽。寶笈三編。石渠寶笈所藏。

聖祖仁皇帝御臨米芾書杜甫詩 一卷

本幅紙本。縱七寸四分。橫七尺八寸。

御筆行書臨米芾書杜甫賀陽城郡王詩。

詩見前卷。鈐

寶一。康熙宸翰。

鑒藏寶璽寶笈三編。石渠寶笈所藏。

聖祖仁皇帝御臨米芾詩帖一卷

本幅絹本縱六寸七分橫六尺八分

御筆行書並識

即看燕子入山扉。豈有黃鸝歷翠微。短短桃花臨水岸。輕輕柳絮點人衣。春來準擬開懷久。老去親知見面稀。他日一杯難強進。重嗟筋力故山違。

臨米芾鈐寶一。康熙御筆之寶。

臣工恭跋

御書字體雄奇。筆勢峭拔。高古蒼秀。衆妙咸備。於轉折波撇處。有萬鈞之力。更復藏斂鋒穎。渾然天成。尺幅之中。變化縱橫。如神龍行空。不可端倪。真曠古之鉅觀。墨林之鴻寶也。臣獲仰瞻

天藻。自慶遭逢。不勝欣幸。服膺之至。臣張英恭跋。宸翰各體俱備。無法不臻。茲卷超脫神化。如雲鶴在

霄翔翥萬狀。筆力之剛健沉雄。則有龍跳天
門。虎卧鳳閣之勢。而復留頓蘊藉。圭壁渾融。
洵足卓越千古。為臨池之極則。臣何幸拜觀。
不勝抃躍。惟有欽慕無已。贊頌難窮也。臣勵
杜訥恭跋。書法自晉唐而下。代各有人。然
美屬專家。法難兼有。非沉酣精詣。固未易言
體備衆妙也。仰瞻

御筆。其神凝重。其骨堅蒼。而一種軒翥渾脫氣象。更

洋溢於行墨之表

天章煥發藻耀高翔應與日星雲漢昭垂千古晉唐
而下又何論焉臣孫岳頌恭跋

鑒藏寶璽寶笈三編石渠寶笈所藏

聖祖仁皇帝御臨趙孟頫書王維輞川詩一卷

本幅紙本縱七寸七分橫三尺六寸二分

御筆行楷書

王摩詰輞川詩 飛鳥去不窮連山復秋色

上下華子岡惆悵情何極華子岡新家孟城

口古木餘衰柳來者復為誰空悲昔人有孟

城城輕舟南垞去北垞森難即隔浦望人家

遙遙不相識南垞文杏裁為梁香茅結為宇

不知棟裏雲去作人間雨。文杏館檀欒映空
曲。青翠漾連漪。暗入商山路。樵人不可知。斤
竹嶺結實紅且綠。復如花更開。山中儻留客。
置此芙蓉杯。茱萸酒。秋山斂餘照。飛鳥逐前
侶。彩翠時分明。夕嵐無處所。木蘭柴。空山不
見人。但聞人語響。返景入深林。復照青苔上。
鹿柴。仄徑蔭宮槐。幽陰多綠苔。應門但迎掃。
畏有山僧來。宮槐陌吹蕭。凌極浦。日暮送夫

君湖上一迴看。青山卷白雲。鼓湖。輕舸迎上

客。悠悠湖上來。當軒對樽酒。四面芙蓉開。臨

湖亭。分行接綺樹。倒影入清漪。不學御溝上。

春風傷別離。柳浪。颯颯秋雨中。淺淺石榴瀉。

跳波自相濺。白鷺驚復下。樂家瀨。日飲金屑

泉。少當千餘歲。翠鳳翊文螭。羽節朝玉帝。金

屑泉。北垞。湖水北。襟樹映朱欄。逶迤南川水。

明滅青林端。北垞。清淺白石灘。綠蒲向堪把。

家住水東西。浣紗明月下。白石灘。獨坐幽篁裏。彈琴復長嘯。深林人不知。明月來相照。竹
里館。木末芙蓉花。山中發紅萼。澗戶寂無人。
紛紛開且落。辛夷塢。古人非傲吏。自闕經世
務。偶寄一微官。婆娑數株樹。漆園。桂尊迎帝
子。杜若贈美人。椒漿奠瑤席。欲下雲中君。原缺。
延祐五年四月廿又七日。趙孟頫。鈐。

寶一。康熙宸翰。

鑒藏寶圖寶笈三編石渠寶笈所藏

謹案此卷末首末著題。據王維朝川集乃椒
園也。

聖祖仁皇帝御臨趙孟頫書杜甫遊何將軍山林詩

一卷

本幅綾本縱八寸一分橫六尺八寸

御筆行書並識

不識南塘路。今知第五橋。名園依綠水。野竹
上青霄。谷口舊相得。濠梁同見招。平生為幽
興。未惜馬蹄遙。百頃風潭上。千章夏木清。
卑枝低結子。接葉暗巢鶯。鮮鯽銀絲鱠。香芹

碧澗羹。翻疑柁樓底。晚飯越中行。刺水滄
江破。殘山碣石開。綠垂風折筍。紅綻雨肥梅。
銀甲彈箏用。金魚換酒來。興移無洒掃。隨意
坐莓苔。風磴吹陰雪。雲門吼瀑泉。酒醒思
卧簟。衣冷欲裝綿。野老來看客。河魚不取錢。
只疑淳樸處。自有一山川。棘樹寒雲色。茵
陳春藕香。脆添生菜美。陰益食單涼。野鶴清
晨出。山精白日藏。石林蟠水府。百里獨蒼蒼。

憶過楊柳渚。走馬定昆池。醉把青荷葉。狂
遺白接羅。刺船思郢客。解水乞吳兒。坐對羣
山晚。江湖興頗隨。床上書連屋。階前樹拂
雲。將軍不好武。穉子總能文。醒酒微風入。聽
詩靜夜分。絺衣挂蘿薜。涼月白紛紛。幽意
忽不愜。歸期無奈何。出門流水住。回首白雲
多。自笑燈前舞。誰憐醉後歌。祇應與朋好。風
雨亦來過。問訊東橋竹。將軍有報書。倒衣

還命駕。高枕乃吾廬。花妥鶯捎蝶。溪喧獺趁
魚。重來休沐地。真作野人居。落日平臺上。
春風啜茗時。石闌斜點筆。桐葉坐題詩。翡翠
鳴衣桁。蜻蜓立釣絲。自今幽興熟。來往亦無
期。

臨子昂鈐寶三。佩文齋康熙宸翰萬幾餘暇。
鑒藏寶璽寶笈三編。石渠寶笈所藏。

聖祖仁皇帝御臨董其昌書竹樓記一卷

本幅紙本縱七寸九分橫四尺二寸

御筆行書黃州竹樓記

全錄並識

臨董其昌鈐寶一康熙宸翰

鑒藏寶璽寶笈三編石渠寶笈所藏

聖祖仁皇帝御臨董其昌書趙彥昭詩一卷

本幅紙本縱八寸橫八尺

御筆行書

六龍齊軫御朝曦。雙鷁維舟下綠池。飛觀仰
看雲外聳。浮橋直見海中移。靈泉巧鑿天孫
渚。孝筍能抽帝女枝。幸願一生同草木。年年
歲歲樂於斯。董其昌鈐

寶一康熙宸翰

鑒藏寶璽寶笈三編石渠寶笈所藏

聖祖仁皇帝御臨董其昌書畫錦堂記一卷

本幅紙本。縱一尺三寸七分。橫四丈三尺六寸五分。

御筆行書臨董其昌書畫錦堂記。文見續編 鈐寶一。康熙御筆之寶。

鑒藏寶璽寶笈三編。石渠寶笈所藏。

聖祖仁皇帝御筆橋望詩一軸

本幅宣紙本。縱三尺八寸五分。橫一尺七寸五分。

御筆行書。

郊原浮麥氣。池沼漾青蘋。夏日臨橋望。薰風處處新。
橋望鈐寶三。淵鑑齋。康熙宸翰。敕幾清晏。
鑒藏寶璽寶笈三編。石渠寶笈所藏。

聖祖仁皇帝御筆夜半覽本詩一軸

本幅紙本縱二尺橫八寸八分

御筆行書

初冬夜靜正三更
宵旰清心勉勵精
自愧事繁機不敏
細披章奏察民情
夜半覽本鈐寶三
心手相師康熙宸
翰保合太和

鑒藏寶璽寶笈三編石渠寶笈所藏

聖祖仁皇帝御筆詠春詩一軸

本幅宣紙本縱二尺橫八寸五分

御筆行書

旭日含新淑。春光覆滿屋。東皇轉歲華。融氣雜山谷。
詠春鈴寶三。心手相師。康熙宸翰。保合太和。
鑒藏寶璽寶笈三編。石渠寶笈所藏。

聖祖仁皇帝御筆清明登玉泉山詩一軸

本幅宣紙本縱二尺橫八寸六分

御筆行書

寒食登高芳草青。泉聲映柳覆春亭。心中懷得天
然處。對對沙鷗樂野汀。清明登玉泉山。鈐寶三。
心手相師。康熙宸翰。保合太和。

鑒藏寶璽寶笈三編。石渠寶笈所藏。

聖祖仁皇帝御筆初夏登樓臨水詩 一軸

本幅宣紙本縱三尺八寸橫一尺六寸五分

御筆行書

澄潭澈底開心鏡柳絮輕飛近玉樓處處晴花風
拂起鶯啼四月遶芳洲 初夏登樓臨水 鈐寶三
淵鑑齋康熙宸翰 敕幾清晏

鑒藏寶璽寶笈三編石渠寶笈所藏

聖祖仁皇帝御筆苑西新柳詩 一軸

本幅灑金牋本。縱三尺八寸四分。橫一尺六寸。

御筆行書。

岸草青回太液池。春來又見柳垂絲。東風小苑三
眠後。最愛鶯黃蘸水枝。苑西新柳鈴寶三。淵鑑
齋。康熙宸翰。敕幾清晏。

鑒藏寶璽寶笈三編。石渠寶笈所藏。

聖祖仁皇帝御筆過永安橋口占詩一軸

本幅冷金牋本縱四尺橫一尺七寸

御筆行草書

夾路飛塵宿雨消。十年曾此駐龍鑾。春風城闕知
非遠。幾處輕寒變柳條。過永安橋口占。鈐寶三
淵鑑齋康熙宸翰。敕幾清晏。

鑒藏寶璽寶笈三編。石渠寶笈所藏。

聖祖仁皇帝御筆柳條邊望月 一軸

〔本幅〕灑金牋本。縱三尺八寸八分。橫一尺八寸。

御筆行書。

雨過高天霽晚虹。關山迢遞月明中。春風寂寂吹楊柳。搖曳寒光度遠空。柳條邊望月。鈐寶三。淵鑑齋。康熙宸翰。敕幾清晏。

鑒藏寶璽。寶笈三編。石渠寶笈所藏。

聖祖仁皇帝御筆鐵嶺詩一軸

本幅高麗箋本縱三尺五寸橫一尺二寸

御筆行書

雨餘塞草自綠日出山花更紅轍迹神州近遠驥
鳴廣陌西東鐵嶺鈴寶三淵鑑齋康熙宸翰敕
幾清晏

鑒藏寶璽寶笈三編石渠寶笈所藏

聖祖仁皇帝御筆凱旋聞雁再作 一軸

本幅洒金牋本縱三尺七寸四分橫一尺六寸八分

御筆行書

上林秋曉淨煙霏。每聽征鴻憶授衣。此日諸軍齊奏凱。銜書不用更南飛。凱旋聞雁再作。鈐寶三。淵鑑齋康熙宸翰。敕幾清晏。

鑒藏寶璽寶笈三編石渠寶笈所藏

聖祖仁皇帝御筆水仙詩一軸

本幅紙本。縱三尺八寸。橫一尺七寸。

御筆行書。

翠帔紺冠白玉珎。清姿終不汙泥沙。騷人空自吟
芳芷。未識凌波第一花。水仙鈴寶三淵鑑齋。康
熙宸翰。敕幾清晏。

鑒藏寶璽寶笈三編。石渠寶笈所藏。